

MAMAN

la VÔS dai FURLANS



Projet promovût di 'La Vôs dai Furlans' e 'ARLeF'

Daria e Bete nus insegnin...



Bete e cognòs une vore di curiositàs sui Celtis! Vuê e mostre a Daria cemût che si scrîf il so non cul alfabet di Ogham, inventât di chest popul!

Cjalin insieme la pontade di Maman! "I Celtis in Friûl" su



Lu saveviso che...?

...tant timp indaûr in Europe e in Friûl a vivevin i Celtis? A son stâts popui une vore impuartants pe nestre storie, che a àn lassât lis lôr olmis in tantis tradizions come il fîr des Cidulis o tes peraulis furlanis come "broili" e intai nons di lûc. Ancje i nons di paîs tant che Manià, Cjaurià, Tarvis, Nimis e Lucinîs a son di divignince celtiche! Fruts, e voaltris savêso la origjin dal non dal vuestri paîs?




cumò fâs tu!

Chestis peraulis furlanis a son di divignince celtiche. Cuntune frece met adun la peraule cu la imagjin juste.



BÂR



CJAR




TAMÊS



TROI

Piture il dissen!



Ridi a plene panze!

Ce disino doi sforçirs cuant che si cjatin par strade? "Oh, ce cumbinazion!"

Pagjine curade dal Sportel Regionâl pe Lenghe Furlane de

ARLeF AGENZIE REGIONÂL PE LENGHE FURLANE

Vuelistu tornâ a viodi lis pontadis di Maman!?



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS
Noa



Roc. La Lune e à voie di fâti cualchi dispiet e cussì, biel che tu ti gjoldis un moment di pàs, jê ti fâs un çopedon.



Gjambar. Il cjâf al svole indaûr tal timp e ti vise di personis che no tu viodis di un pieç: e je ore di clamâlis.



Taur. Tu âs pôre che i bêçs no ti bastin, ma se tu stâs daûr dal to program no tu âs di vê pôre di nuie.



Leon. Tu vuelis gjolditi une vite comude e plene, e par vêle tu fasis tancj sfuarçs. Atent però di no lassâ indaûr la famee.



Zimui. Sta plui dongje di fradis e amis, parcè che a podaressin dâti il consei just.



Vergjine. Tu âs di frontâ un biel dubi: restâ leât ae vite di ogni di o fâ un biel viaç? In ducj i doi i câs, tu lu risolvârâs cuntun truc.



Balance. Alc di chei che a son ator di te no ti conving, tu fasis ben a fâ cualchi pas indaûr e a no cjapâ nissun impegn.



Sgarpion. Sul lavôr tu sês une fuarce e ducj ti amirin, ma ancje la tô famee e merete il to timp.



Sagjitari. Intes discussions in famee tu âs di vê un grum di pazienze e no tu âs di rabiâti. Cussì dut si sclaris miôr.



Bec di mont. Tal lavôr tu ravis a meti in pratiche lis tôs cognossincis e i coleghis ti disin graciis.



Agarûl. Tu sês plui viert cu la int e chest ti fâs cognossi personis gnovis, cualchidune e pues diventâ tô amie.



Pes. La energjie di chei dis achì ti puarte a fâ une vore di sport, ma une vitalitât compagne no tu le âs intai rapuarts cun chei altris.